

# Isikhwama Sosizo Lwamaholo Abasebenzi Bakuma-ECD (i-ECD Employment Stimulus Relief Fund) Sisho ukuthini kuma-SmartStarters?

## ISIFINYEZO ESIFISHANE

- Ngonyaka odlule, uhulumeni wamemezela isikhwama sezimo eziphuthumayo sokusiza ukuvikela imisebenzi ngesikhathi sobhubhane lwe-COVID-19. Olunye lwalolu xhaso ngolwabasebenzi abasezinhlelweni ze-ECD. Lesi sikhwama sibizwa ngokuthi i-**ECD Employment Stimulus Relief Fund**.
- Isikhwama sizokhokhela abantu abasebenza ezinhlelweni ze-ECD isibonelelo esikhethekile, kulabo ababhekane nokulahlekelwa ingeniso ngenxa yobhubhane. **Umsebenzi ngamunye uxhaswa ngemali engedlule kuzi-R4,470**. Imali yokugcina ingase ibe ncane okuncika esibalweni sabantu abafake isicelo.
- **Zonke izinhlobo zabasebenzi kuzo zonke izinhlelo zama-ECD**, okubandakanya izinhlelo ezingazinzile esikhungweni njengamaqembu okudlala kanye nabagada izingane, zifanalekile ukuhlomula.
- **Isikhathi esingumnqamula-juqu sokufaka isicelo salolu hlobo lwesibonelelo esitholwa kanye kuphela wuLwesihlanu mhla ka 19 Februwari.**



**LESI SIBONELELO SIHLUKILE KUNESIBONELELO I-SMARTSTART RELIEF GRANT.**  
Lokhu kusho ukuthi ungafaka isicelo sokuzithola ZOMBILI lezi zibonelelo.

## UBANI OFANELEKILE?

- 'Ukufaneleka' kusho 'ukuvungelwa ukuthola isibonelelo'. Umuntu ofaneleka uma esebenza ohlelweni lwe-ECD kunoma esiphi isikhundla - njengochwepheshe, abapheki kanye nabakwezokubhalisa.
- Zonke izinhlelo ze-SmartStart ebezisebenza ngaphambi komhla ka 1 Mashi 2020 zifanelekile.
- Phezu kwalokho, izinhlelo kumele zivuleleke ukuze zifaneleke. Uma uhlelo lwakho lungakavulwa kabusha kuze kube manje, kumele uzibophezele ekuvuleni ezinsukwini ezingama-60.
- Ukufaneleka kukodwa akwanele. Uhulumeni udinga ukuba abafakizicelo babe nezinto ezithile, njenge-akhawunti yasebhange. Ama-SmartStarters amaningi azokuthola kunzima lokhu. **Nokho, i-Franchisor yakho ingakufakela isicelo.** Eminye imininingwane ngalokhu ingemuva kwaleli khasi.

**Sesincane isikhathi esisele - qhubeka ufunde ukuze uthole ukuthi  
ungasifaka kanjani isicelo!**

## NGUBANI ONGAFKA ISICELO?

- Uhulumeni uthi isicelo kumele sithunyelwe ngabalandelayo:
  - ① Umnikazi noma umphathi wesikhungo se-ECD, efakela **bonke** abasebenzi. Inani eliphelele lesabelomali lizoba ngelabasebenzi abangangaphezu kwaba-4 kwisikhungo se-ECD ngasinye, okumele yabelwe bonke abasebenzi. **NOMA**
  - ② Umnikazi noma umphathi wohlelo lwama-ECD olungazinzile ezikhungweni, njengamaqembu okudlala noma abantu abagada izingane. Inani eliphelele lesabelomali lizoba ngelomsebenzi oyedwa ngokohlelo ngalunye, ezokwabelwa bonke abasebenzi. **NOMA**
  - ③ **Isikhungo esiphatha noma esiqapha izinhlelo zama-ECD eziningi - egameni lwanoma oluphi uhlelo olunesivumelwano esibhaliwe ebesikhona ngaphambi komhla ka 1 Mashi 2020. Lokhu kusho ukuthi i-Franchisor yakho ingakufakela isicelo.**

## UMA UFUNA UKUFAKELWA ISICELO YI-FRANCHISOR YAKHO

- **Uma ufuna ukufakelwa isicelo i-Franchisor yakho futhi Isivumelwano se-Franchisee sasayinwa ngawo noma ngaphambi komhla ka 1 Mashi 2020 bese:**
  - Ugcwalisa ifomu lokuvuma elikwi-inthanethi - ungalithola lapha: [smartstart.org.za/contracts/login](http://smartstart.org.za/contracts/login)
  - I-Franchisor yakho izozama ukukufakela isicelo. Uma iphumelele, izokukhokhela isibonelelo (okungenzeka kube phakathi kuka-Ephreli noMeji).
  - Kuzodingeka ukuba uveze ubufakazi bokuthi uvule kabusha ezinsukwini ezingama-60.



Ngokusayina leli fomu lokuvuma, uyazibophezela ekuvuleni kabusha ezinsukwini ezingama-60 uthole isibonelelo. Ifomu kumele ulisayine inqobo uma uzokwazi ukuzibophezela kulokhu.

## UMA UFUNA UKUFAKA ISICELO SOHLELO LWAKHO

- Uhulumeni uthi *yinoma ubani noma isikhungo esifaka isicelo* (hhayi umuntu othola isibonelelo) kumele abe nokulandelayo:
  - ① I-akhawunti yebhange esegameni le-ECD noma lesikhungo.
  - ② Ukubhalisa Kusizindalwazi i-Central Supplier Database (uma ungaxhaswanga i-DSD). Vele ugcwalise ifomu ku-[secure.csd.gov.za/Account/Register](https://secure.csd.gov.za/Account/Register)
- Uma unazo lezi zinto futhi **ufuna ukuzifakela isicelo ngokwakho**, iya ku-<https://govchat.app>, ugcwalise imininingwane yakho bese ulayishe imibhalo eceliwe.



Awukwazi ukuzifakela isicelo ngokwakho *bese uphinde* usifake nge-Franchisor yakho. Lokhu kuwukukhwabanisa futhi kungaholela emacaleni obugebengu. Khetha indlela eyodwa.

Udinga olunye ulwazi? Shayela Umqeqeshi wakho noma uvakashele ku-[www.dsd.gov.za](http://www.dsd.gov.za)